

“শেখ হাসিনার বারতা
নারী-পুরুষ সমতা”

গণপ্রজাতন্ত্রী বাংলাদেশ সরকার
মহিলা ও শিশু বিষয়ক মন্ত্রণালয়
মরিঅ-২ অধিশাখা
বাংলাদেশ সচিবালয়, ঢাকা।

বিষয় : জয়িতা ফাউন্ডেশনের কার্যক্রম পর্যালোচনা সংক্রান্ত ৩১/০৩/২০১৯ তারিখে অনুষ্ঠিত সভার কার্যবিবরণী।

সভাপতি : জনাব কামরুজ্জন নাহার
সচিব, মহিলা ও শিশু বিষয়ক মন্ত্রণালয়

তারিখ ও সময় : ৩১/০৩/২০১৯ খ্রিস্টাব্দ, বিকাল ৩:০০ ঘটিকা।

সভার স্থান : সভা কক্ষ, মহিলা ও শিশু বিষয়ক মন্ত্রণালয়
(কক্ষ নং ৩২৩, ভবন নং ৬, বাংলাদেশ সচিবালয়)

উপস্থিত কর্মকর্তাবৃন্দের তালিকা- পরিশিষ্ট ‘ক’

আলোচনা :

সভাপতি উপস্থিত সকলকে স্বাগত জানিয়ে সভার কাজ শুরু করেন এবং মাননীয় প্রধানমন্ত্রীর একান্ত সচিব-২ জনাব ওয়াহিদা আক্তার সভায় উপস্থিত থাকায় ধন্যবাদ জ্ঞাপন করেন।

০২। অতঃপর সভাপতির অনুমতিক্রমে জয়িতা ফাউন্ডেশনের ব্যবস্থাপনা পরিচালক জনাব মোঃ আশরাফ হোসেন জয়িতা ফাউন্ডেশনের গঠন সম্পর্কে সংক্ষেপে উপস্থাপন করেন। তিনি সভাকে অবহিত করেন যে, দেশের নারী উদ্যোগাদের উৎপাদিত পণ্য বাজারজাতকরণের সুবিধা সৃষ্টির লক্ষ্যে মাননীয় প্রধানমন্ত্রীর দিক নির্দেশনায় মহিলা বিষয়ক অধিদপ্তরের আওতায় বাস্তবায়নের জন্য ফেব্রুয়ারী ২০১১ থেকে জুন ২০১৩ মেয়াদে “নারী উদ্যোগ উন্নয়ন প্রয়াস কর্মসূচি” এর কার্যক্রম শুরু হয়। মহিলা ও শিশু বিষয়ক মন্ত্রণালয় কর্তৃক অনুমোদিত উক্ত কর্মসূচির নারী উদ্যোগাদের নিজস্ব পণ্য বিপণন কেন্দ্র “মহিয়সী” বিপণন কেন্দ্রটি পরবর্তী সময়ে মাননীয় প্রধানমন্ত্রী কর্তৃক প্রস্তাবিত “জয়িতা” নামে ১৬ই নভেম্বর ২০১১ শুভ উদ্বোধন করা হয়।

০৩। কর্মসূচির বাস্তবায়ন নির্দেশিকা অনুযায়ী নারী উদ্যোগ উন্নয়ন প্রয়াস কর্মসূচিটি ছিল- ১ম পর্যায়ে কর্মসূচির মেয়াদ পর্যায় এবং ২য় পর্যায়ে ছিল কর্মসূচির মেয়াদ শেষে ফাউন্ডেশন পর্যায়। ব্যবস্থাপনা পরিচালক, জয়িতা ফাউন্ডেশন জানান, মহিলা ও শিশু বিষয়ক মন্ত্রণালয়ের মাননীয় প্রতিমন্ত্রীর সভাপতিত্বে জয়িতার পরিচালনা ও ব্যবস্থাপনা সংশ্লিষ্ট বিষয়াদি সম্পর্কে ২৫/১০/২০১২ তারিখ অনুষ্ঠিত সভায় ফাউন্ডেশন গঠনের নানাবিধ দিক নির্দেশনা দেয়া হয়। পর্যায়ক্রমে ১৫/০৫/২০১৩ ও ০৭/০৭/২০১৩ তারিখে প্রথম পর্যায় ও দ্বিতীয় পর্যায়ে কর্মশালা ও কর্মশালা-উক্তর সভায়, ০৯/০৯/২০১৩ এবং ২৬/০৯/২০১৩ তারিখে অনুষ্ঠিত সভায় বিস্তারিত আলোচনাপূর্বক সর্বসম্মতক্রমে ফাউন্ডেশন গঠনের জন্য Memorandum of Association and Rules and Regulations চূড়ান্ত করা হয়। চূড়ান্ত Memorandum of Association and Rules and Regulations ০৩/১০/২০১৩ তারিখে রেজিস্ট্রার অব জেনেরেল স্টক এন্ড ফার্মসসমূহের পরিদপ্তর, ১ কাওরান বাজার, টিসিবি ভবন, ঢাকা থেকে নির্বক্ষন (S-11756) গ্রহণ করা হয়।

০৪। সভায় জয়িতা ফাউন্ডেশন এর ব্যবস্থাপনা পরিচালক পদের নিয়োগ প্রক্রিয়া, নিয়োগকারী কর্তৃপক্ষ এবং চুক্তির মেয়াদ বৃদ্ধি সংক্রান্ত বিভিন্ন তথ্য জানতে চাওয়া হয়। আলোচনাকালে ব্যবস্থাপনা পরিচালক জানান জয়িতা ফাউন্ডেশনের সংশ্লিষ্ট নথির মাধ্যমে বোর্ড অব গভর্নরস কর্তৃক ব্যবস্থাপনা পরিচালক এর চুক্তির মেয়াদ ৩ বছর বৃদ্ধিসহ এবং বেতন বৃদ্ধি করা হয়েছে। কিন্তু এ বিষয়ে অনুমোদন গ্রহনের জন্য প্রশাসনিক মন্ত্রণালয়ে প্রেরণ করা হয়নি। উল্লেখ্য যে, অননুমোদিত নীতিমালা অন্তর্ভুক্ত প্রস্তাবিত নিয়োগ বিধিমালা ও সাংগঠনিক কাঠামো অনুসরণপূর্বক সহকারী ম্যানেজার ও কমন সার্ভিসেস অফিসার পদে নিয়োগ দেয়া হয়েছে, কিন্তু সহকারী ম্যানেজার (আইটি) পদটি উল্লিখিত নীতিমালায় অন্তর্ভুক্ত নয়। এ বিষয়ে বিশদ জানতে চাওয়া হলে ব্যবস্থাপনা পরিচালক সদৃশ দিতে পারেননি। উল্লেখ্য জয়িতা ফাউন্ডেশনের আইন প্রণয়নের পূর্বে মানব সম্পদ নীতি করা হয়েছে। এ পর্যায়ে মাননীয়

প্রধানমন্ত্রীর একান্ত সচিব-২ জয়িতা ফাউন্ডেশনের উপর্যুক্ত বিষয়গুলোসহ অন্যান্য বিষয়ে স্পষ্টাকরণ এবং সঠিক প্রক্রিয়ায় কার্যক্রম গ্রহণের জন্য অভিমত ব্যক্ত করেন।

০৫। অতঃপর সভাপতি জয়িতা ফাউন্ডেশনের ভবিষ্যত পরিকল্পনা গ্রহণ এবং বাস্তবায়ন মনিটরিং সম্পর্কে জানতে চাইলে ব্যবস্থাপনা পরিচালক জয়িতা ফাউন্ডেশনের ‘জয়িতা টাওয়ার নির্মাণ প্রকল্প’ এর বাস্তবায়ন অগ্রগতি সম্পর্কে সভাকে অবহিত করেন। সভায় আলোচনায় জানা যায়, গণপূর্ত অধিদপ্তর ইজিপি পদ্ধতিতে বিগত ১৭/০১/২০১৯ তারিখ টেন্ডার আহবানপূর্বক প্রাপ্ত টেন্ডারসমূহ মূল্যায়ন করে গৃহায়ন ও গণপূর্ত মন্ত্রণালয়ের মাধ্যমে ক্রয় প্রস্তাব সরকারি ক্রয় সংক্রান্ত মন্ত্রিসভা কমিটি বরাবর প্রেরণ করা হয়। বিগত ২৭/০৩/২০১৯ তারিখে সরকারি ক্রয় সংক্রান্ত মন্ত্রিসভা কমিটির সভা অনুষ্ঠিত হয়। DPP অনুযায়ী জয়িতা টাওয়ারে ৪টি বেজমেন্ট হবার কথা কিন্তু দরপত্র বিজ্ঞপ্তিতে ২টি বেজমেন্ট নির্মাণে অভিজ্ঞতা রয়েছে এমন প্রতিষ্ঠান আবেদন করতে পারবে শর্ত উল্লেখ করা হয়েছে। এ বিষয়ে জানতে চাইলে জনাব কাজী মোহাম্মদ আবু হানিফ, তত্ত্বাবধায়ক প্রকৌশলী, গণপূর্ত রক্ষণাবেক্ষণ সার্কেল, ঢাকা সন্তোষজনক কোন উত্তর দিতে পারেন নি।

০৬। ব্যবস্থাপনা পরিচালক জানান যে, রাপা প্লাজার ৫ম তলায় জয়িতা ফাউন্ডেশনের নারী উদ্যোগাদের বরাদ্দকৃত স্থানে ফাউন্ডেশনের মূল কার্যালয়, জয়িতা টাওয়ার নির্মাণ প্রকল্পের কার্যালয় এবং জয়িতা ফাউন্ডেশনের সক্ষমতা বিনির্মাণ প্রকল্পের কার্যালয় স্থাপনের কারণে উদ্যোগাদের ৪র্থ তলায় স্থানান্তর করা হয়েছে। আলোচনায় বলা হয় যে, এতে উদ্যোগাদের স্টলের আয়তন কমে গেছে এবং দোকানগুলো এলোমেলোভাবে স্থাপন করায় দেকানের ইতঃপূর্বের বৈচিত্র্যপূর্ণ সজ্জিতকরণ বিস্তৃত হয়েছে: ফলে উদ্যোগাগণ ক্ষতিগ্রস্ত হচ্ছেন। এ বিষয়ে সভায় অসংৰোধ প্রকাশ করা হয়। এ সম্পর্কে ব্যবস্থাপনা পরিচালক, জয়িতা ফাউন্ডেশনের নিকট জানতে চাইলে তিনি সভাকে জানান যে, অফিস কক্ষের জন্য ধানমন্ডি এলাকায় সুবিধাজনক স্থানে অফিস ভাড়া পাওয়া সম্ভবপর নয়। এ পর্যায়ে মাননীয় প্রধানমন্ত্রীর একান্ত সচিব-২ জনাব ওয়াহিদা আক্তার এই মর্মে মতামত ব্যক্ত করেন যে, জয়িতার প্রারম্ভিক পর্যায়ের মূল উদ্যোগাদের কার্যক্রম যেন কোনক্রমেই বিস্তৃত না হয়, সে বিষয়টি নিশ্চিত করতে হবে।

০৭। সভায় জয়িতা ফাউন্ডেশনের বাজেট ও সীড ক্যাপিটাল সম্পর্কে মাননীয় প্রধানমন্ত্রীর একান্ত সচিব-২ এর জিজ্ঞাসার প্রেক্ষিতে জয়িতা ফাউন্ডেশনের ব্যবস্থাপনা পরিচালক সভাকে জানান যে, এ পর্যন্ত সীড ক্যাপিটাল হিসেবে ৪০ (চালিশ) কোটি টাকা পাওয়া গেছে, যা জনতা ব্যাংক ও আল-আরাফাহ ইসলামী ব্যাংক লি: এ জমা রাখা হয়েছে। জয়িতা ফাউন্ডেশনের চলতি ২০১৮-১৯ অর্থ বছরে ২,৪০,০০,০০০/- (দুই কোটি চালিশ লক্ষ) টাকা বরাদ্দ রাখা হয়েছে, যা কোয়ার্টার ভিত্তিক ছাড়করণ করা হয়। এছাড়া ‘জয়িতা-র খাদ্যজ্ঞাত ব্যবসা শক্তিশালীকরণ’ এবং ‘জয়িতা ব্রিজিং কর্মসূচি (২য় পর্যায়)’ নামে দু’টি কর্মসূচির কার্যক্রম চলমান রয়েছে। কর্মসূচির টাকায় রাপা প্লাজার ২টি ফ্লোরের ভাড়া ২৩,০০,০০০/- (তেইশ লক্ষ) টাকা প্রতিমাসে পরিশোধ করা হয় বলে ব্যবস্থাপনা পরিচালক জানান। এ সম্পর্কে বিশদ আলোচনাকালে মাননীয় প্রধানমন্ত্রীর একান্ত সচিব-২ বরাদ্দকৃত বাজেটের অব্যয়িত অর্থ দুট প্রযোজ্য ও প্রাসঙ্গিকক্ষেত্রে আর্থিক বিধি-বিধান অনুসরণপূর্বক ব্যয় করে জয়িতা ফাউন্ডেশনের সার্বিক কার্যক্রমে দুট গতি সঞ্চালন আনয়নে অভিমত ব্যক্ত করেন।

০৮। সিদ্ধান্ত:

সভায় নিম্নোক্ত সিদ্ধান্তসমূহ গৃহীত হয় :

- (ক) সংশ্লিষ্ট সকলকে পারস্পরিক সমন্বয় সাধন করে জয়িতা কার্যক্রম দুততার সাথে সম্পন্ন করতে হবে এবং জয়িতার ব্র্যান্ডকে সারা দেশে ছড়িয়ে দিতে হবে;
- (খ) ৩১/০৩/২০১৯ তারিখে অনুষ্ঠিত সভার অনালোচিত বিষয় নিয়ে আরো একটি সভা আহবান করতে হবে; এবং
- (গ) মন্ত্রণালয়ের সচিব মহোদয় বোর্ড অব গভর্নরস এর চেয়ারপার্সন ও মাননীয় প্রধানমন্ত্রীকে জয়িতা ফাউন্ডেশনের কার্যক্রম সম্পর্কে অবহিত করবেন।

০৯। সভাপতি উপস্থিত সকলকে ধন্যবাদ জানিয়ে সভার সমাপ্তি ঘোষণা করেন।

স্বাক্ষরিত /-

০২/০৪/২০১৯

কামরূণ নাহার

সচিব


মহিলা ও শিশু বিষয়ক মন্ত্রণালয়

বিতরণঃ সদয় কার্যার্থে ও প্রয়োজনীয় ব্যবস্থা গ্রহণের জন্য (জ্যেষ্ঠতার ক্রমানুসারে নয়) :

- ০১। অতিরিক্ত সচিব (প্রশাসন), মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
- ০২। অতিরিক্ত সচিব (উন্নয়ন ও পরিকল্পনা), মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
- ০৩। ব্যবস্থাপনা পরিচালক, জয়িতা ফাউন্ডেশন, রাপাং প্লাজা, ধানমন্ডি, ঢাকা।
- ০৪। মহাপরিচালক, মহিলা বিষয়ক অধিদপ্তর, ৩৭/৩ ইঙ্কাটন গার্ডেন রোড, ঢাকা।
- ০৫। নির্বাহী পরিচালক, জাতীয় মহিলা সংস্থা, ১৪৫ নিউ বেইলী রোড, ঢাকা।
- ০৬। অতিরিক্ত সচিব (মবিতা), মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
- ০৭। অতিরিক্ত সচিব (উন্নয়ন), মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
- ০৮। জনাব ওয়াহিদা আকতার, প্রধানমন্ত্রীর একান্ত সচিব-২, প্রধানমন্ত্রীর কার্যালয়, ঢাকা।
- ০৯। প্রকল্প পরিচালক, জয়িতা টাওয়ার নির্মাণ প্রকল্প, জয়িতা ফাউন্ডেশন, রাপাং প্লাজা, ধানমন্ডি, ঢাকা।
- ১০। উপসচিব (বাজেট ও অডিট), মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
- ১১। জনাব কাজী মোহাম্মদ আবু হানিফ, তত্ত্বাবধায়ক প্রকৌশলী, গণপূর্ত রক্ষণাবেক্ষণ সার্কেল, ঢাকা।

অনুলিপি:

- ০১। সচিবের একান্ত সচিব, মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা (সচিব মহোদয়ের সদয় অবগতির জন্য)।
- ০২। প্রোগ্রামার, মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা (মন্ত্রণালয়ের ওয়েব সাইটে প্রকাশের অনুরোধসহ)।



02/08/2019

(ফারজানা সুলতানা)
উপসচিব
ফোন: ৯৫১৪৬১৮